

UGOVOR

o organizaciji događaja povodom otvaranja ski sezone 2019/20 na Bjelašnici

I UGOVORNE STRANE

KJP ZOI'84 OCS d.o.o. Sarajevo

Sjedište: Alipašina bb, 71000 Sarajevo
Koje zastupa direktor prof. Kenan Magoda
Identifikacijski broj: 4200347000004
(u daljem tekstu: Naručilac)

i

KAMARAD PRODUKCIJA d.o.o.

Sjedište: KRALJICE KATARINE 26, 11030 Beograd, Srbija
Kojeg zastupa Bor Lalević
PIB: 109254662
Transakcijski broj banke, ime i sjedište banke: 340-11013679-03, ERSTE banka
(u daljem tekstu: Izvršilac)

II PREDMET UGOVORA

Član 1.

Predmet ovog ugovora je nabavka usluga organizacije događaja povodom otvaranja ski sezone 2019/20 na Bjelašnici čije je održavanje planirano 15.12.2019. godine, a prema Tenderskoj dokumentaciji Naručioca broj: 3374/19 od 03.12.2019. godine i ponudi Izvršioca, broj 4-12/19 od 09.12.2019. godine, koji su u prilogu ovog Ugovora i čine njegov sastavni dio.

III PRAVA I OBAVEZE

Član 2.

(1) Izvršilac usluge se obavezuje da će za potrebe Naručioca obavljati poslove navedene u obrascu za cijenu ponude koja je sastavni dio ovog Ugovora kao i da će za izvršenja svakog pojedinačnog posla angažovati kadrovski i tehnički kapacitet koji u datim okolnostima bude neophodan za obavljanje posla.

(2) Ugovorne strane su saglasne da će zajednički utvrđivati radnje, mjere, postupke i rokove vezane za realizaciju svake pojedinačne aktivnosti, u skladu sa potrebama Naručioca.

(3) Naručilac se obavezuje da blagovremeno izvrši prijavu skupa policijskim i vatrogasnim službama kao i hitnoj medicinskoj pomoći.

(4) Izvršilac usluge se obavezuje da prilikom izvršenja usluge iz člana 1. ovog Ugovora postupi prema pravilima struke i sa pažnjom dobrog stručnjaka, a naročito će nastojati da predloži najefikasnija rješenja u izvršenju usluge koja čini predmet Ugovora.

(5) Izvršilac usluge je dužan da bude dostupan Naručiocu svakog radnog dana u okviru redovnog radnog vremena, a po potrebi i vikendom ukoliko to priroda posla zahtijeva, kao i da posjeduje odgovarajuću tehničku opremu koja omogućava elektronsku i drugu komunikaciju među ugovornim stranama.



[Handwritten signature]

(6) Za koordinaciju operativnih aktivnosti na realizaciji ovog Ugovora u pogledu praćenja izvršenja usluga, imenuju se:

- a) za Naručioca: Dino Mujezinović, telef: 061/137-636;
- b) za Izvršioca: Bor Lalević, telef: 060/ 71 72 73 4.

IV KVALITET

Član 3.

(1) Kvalitet izvršenih usluga mora u svemu odgovarati tehničkoj specifikaciji/opisu usluga, dostavljenoj ponudu i važećim standardima za tu vrstu usluga.

(2) Kontrolu kvaliteta izvršenih usluga vrši Naručilac. U slučaju utvrđenih nedostataka u pružanju usluga, Izvršilac usluga mora iste otkolniti odmah ili u najkraćem roku od konstatovanja nekvalitetnog pružanja usluga. Ukoliko Izvršilac usluga ne postupi po datim primjedbama, Naručilac ima pravo da raskine Ugovor.

V CIJENA I NAČIN PLAĆANJA

Član 4.

(1) Ugovor se zaključuje sa ukupnom vrijednosti u iznosu od **119.990,17 KM** (Slovima: jednastotinadevetnesthiljadadevetstotindevedeset i 17/100 KM) bez uključenog PDV-a, ili protuvrijednosti **61.350,00 EUR** (Slovima: šezdesetjednuhiljadutristotinepedeset i 00/100 eura).

(2) U cijenu iz stava (1) ovog člana su uključeni svi prateći troškovi Izvršioca usluga potrebni za izvršenje predmetnog Ugovora.

(3) Naručilac će izvršiti plaćanje na način kako slijedi:

- a) u visini od **70.194,25 KM** (Slovima: sedamdesethiljadajednustotindevedesetčetiri i 25/100 konvertibilnih maraka) sa uključenim PDV-om u roku od 24 sata uz prethodno dostavljanje vjerodostojne avansne garancije u obliku mjenice od strane Izvršioca na ukupnu vrijednost avansa;
- b) ostatak do punog iznosa ugovora, odnosno **70.194,25 KM** (Slovima: sedamdesethiljadajednustotindevedesetčetiri i 25/100 konvertibilnih maraka) sa uključenim PDV-om nakon održavanja manifestacije.

(4) Garancija će ostati efektivna sve dok se avans ne opravda, ali će suma na garanciji biti progresivno reducirana za iznose opravdanog avansa. Avans će se otplatiti odbijajući proporcionalne sume od isplata po računu, slijedeći raspored procenta izvršenih usluga na osnovu isplata.



(Handwritten signature)

VI STUPANJE NA SNAGU I RJEŠAVANJE SPOROVA

Član 5.

(1) Ovaj Ugovor stupa na snagu danom obostranog potpisivanja od strane ovlaštenih lica ugovornih strana a zaključuje se na period od 3 (tri) mjeseca.

(2) Ukoliko se tokom izvršenja ugovora utvrdi da je postupak dodjele ugovora zasnovan na značajnim greškama, nepravilnostima ili prevari za koje je odgovoran Izvršilac, Naručilac može odbiti ili obustaviti plaćanja po ovom Ugovoru, zahtijevati povrat plaćenog iznosa ili raskid ugovora u odnosu na obim i ozbiljnost grešaka, nepravilnosti ili prevara.

Član 6.

Svaka ugovorna strana može pokrenuti postupak raskida Ugovora ako druga strana ne izvršava ugovorene obaveze, uz otkazni rok od 15 dana.

Član 7.

Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom ugovara se nadležnost suda opće stvarne nadležnosti u Sarajevu.

VII OSTALE ODREDBE

Član 8.

Izvršilac nema pravo da, u svrhu izvršenja ovog Ugovora, zapošljava fizičke ili pravne osobe koje su bile uključene u pripremu tenderske dokumentacije, ili su bile u svojstvu članova Komisije za javne nabavke, najmanje 6 (šest) mjeseci po stupanju na snagu istog.

Član 9.

Za sve što nije regulirano ovim Ugovorom primjenjivaće se odredbe propisa Zakona o obligacionim odnosima u Bosni i Hercegovini.


Član 10.

Punovažne i obavezujuće su samo one izmjene idopune ovog Ugovora koje su ugovorne strane sačinile sporazumno i u pisanoj formi.

Član 11.

Ovaj ugovor je sačinjen u 6 (šest) istovjetna primjerka od kojih svaka ugovorna strana zadržava po 3 (tri) primjerka.

Za Izvršioca


Bor Lalević, direktor

Datum: __. __. 2019. godine
Broj:

Za Naručioca


Prof. Kenan Magoda, direktor

Datum: 13.12. 2019. godine
Broj: 3640/19

